

大明集禮卷

儀仗

74
6287
24



74
6257
卷 24



大明集禮卷四十三



儀仗

水去五味均平截



按格物論。虎山獸之君。狀如貓而大如黃牛。黑文鈎爪鋸牙。兩脇及尾端皆有骨如乙字。長一二寸許。即其威也。橫行。妥尾。吼聲如雷。百獸為之震恐。風從而生。豹毛赤黃色。其文黑。如錢而中空。比比相次。又有玄豹。猛健不減於虎。又按楚詞云。虎豹九關。注謂天門九重。虎豹守之。蓋假借以言其嚴密之至也。

大明集禮 卷四十三

26

天子清禁。上法紫宮。故門闕必陳虎豹者。所以象上帝之居也。元制每大朝會。則陳虎豹於日精月華門外。


國朝正至

聖節朝會及冊拜。接見蕃臣。則以虎二豹二各用。闌檻承之。分左右陳于奉天門外。

虎



豹




馴象

按說文云象長鼻牙南與之大獸三歲一乳。又范至能志書云象出交趾山谷間。有兩長牙。頭不可俯。頸不可回。口隱於頭。去地尚遠。運動以鼻為用。足如柱。無趾而有爪。甲形如栗。登山下峻坂。涉水甚捷。又晉輿服志云武帝太康中。南越獻馴象。詔作大車。駕之以載黃門鼓吹數十人。使越人騎之。正旦大會。駕象入庭。唐開元中。畜巨象於閑廐。供陳設。

儀仗。宋制鹵簿。象六。中道分左右。並木蓮花坐。金蕉盤。紫羅繡檐。絡腦。當胸。後鞦。並設銅鈴。杏葉紅。釐牛尾。拂跋塵。駕出則先導。朝會則充庭。

今制。每大朝會。以馴象六。分左右陳于奉天門外。



仗馬

漢長樂宮朝儀陳車騎於庭。唐有立仗馬。宋
 則以御馬十疋分左右陳于門外。元大朝會
 設仗馬於內仗之南。

制以馬六疋。鞍勒全。左右各三疋。陳于
 文武樓南。東西相向。



五輅

玉輅青質。玉飾諸末。金輅赤質。金飾諸末。象
 輅黃質。象飾諸末。革輅白質。鞞以革。木輅黑
 質。漆之無飾。按周官典輅掌王之五路。與輅
 大賓客則出路。注謂如漢朝集使上計法。則
 陳屬車於庭。然則國有大朝會而陳車輅者。
 自周而已然矣。真每大朝會。必陳乘輿法物
 車輦於庭。謂之充庭車。唐天子鸞輅五等。屬
 車十二乘。行幸則分前後施於鹵簿之內。大

大明集禮


卷四十三

四

陳設則分左右施於儀仗之中。**宋**大朝會冊命設五輅於大慶殿前。


國朝參酌前代五輅。大朝會則陳於殿庭。其制度之詳並見車輅篇。

玉輅




集禮卷四十三 六


金輅




集禮卷四十三七




象輅




集禮卷四三八





革輅



集禮卷四十三九





木輅



皂纛


唐六典云夜魏有纛頭。每天子行幸大軍征
 伐。則建於旗上。蓋即古旄頭之遺制也。旄頭
 者。按魏文帝列異傳曰。秦文公時。梓化為牛。
 以騎擊之。不勝。或墜地。鬣解髮散。牛畏之。入
 水。故秦因此置旄頭。騎使先驅。宋天聖鹵簿
 圖云。纛即皂旗。其制黑質。黑火焰脚。揭以朱
 槍竿。竿首設纛。元則建纓於竿首。而不設旗。
 今制用旄牛尾。如巨斗大。建朱槍竿上。





大豹尾

通考載**秦****漢**駕後一乘垂豹尾。崔豹曰：豹尾。
周制以象君子豹變。尾言謙也。古者軍正建
 之。**唐****宋**皆有豹尾車。**元**有豹尾竿。
今制以朱漆槍竿懸紅絲拂垂豹尾。



龍旗

周官司常掌九旗。有交龍為旂。覲禮曰：天子載大旂。升龍降龍。司馬法又曰：旗章周以龍尚文也。
漢制龍旂九旒七仞。仞，尺也。古者以尺為仞。
 宋天聖鹵簿圖記有龍旗十二。


今制因之。皆為青質黃欄。赤火焰間綵脚。繪金龍于中。揭以朱漆槍竿。飾以纓。

北斗旗


禮記曲禮招搖在上。急繕音勁其怒。鄭氏註。招搖星在北斗杓端。主指者。畫招搖星於旌旗上。以起勁軍之威怒。象天帝也。疏曰。並作七星。而獨云招搖者。舉指者為主也。穆天子傳。建日月七星旗。蓋畫北斗七星也。**宋**有北斗旗一。

元制。北斗旗。黑質赤火焰。脚畫七星。

今制。黑質黑火焰。間綵脚。中塗金為七星。




像。



門旗

周禮天官掌舍職曰惟宮設旌門春官司常
 職曰會同賓客置旌門至漢謂之牙旗故唐
 鹵簿內大戟隊後置牙門一次牙門左右廂
 各開五門宋制牙門旗赤質錯綵為神人像
 元制四旗赤質赤火焰脚繪神人冠武士冠
 鎧甲襖襠束帶大口袴執戈戟
 今制門旗四皆赤質黃襪赤火焰間綵脚中
 塗金為門字揭以朱漆槍竿




日旗月旗

周官司常掌九旗之物名。其一曰日月為常。左氏曰。三辰旂旗。昭其明也。按揚子大玄經曰。日以煜乎晝。月以煜乎夜。登日月於旗。以象天也。宋太祖始置日月旗各一。天聖鹵簿圖。日旗赤質。畫日中以雞。月旗青質。畫月中。以免。元制。日旗一。青質。赤火焰脚。繪日于上月旗一。青質。赤火焰脚。繪月于上。

今制。日旗月旗各一。俱青質。黃欄。赤火焰間。



綵脚繪日以赤繪月以白。




青龍白虎朱雀玄武旗。

曲禮行前朱雀而後玄武左青龍而右白虎。義疏曰四者四方宿名也。蓋古者君行師從。故畫此四者於旌旗。以為前後左右之兵陳也。**唐**制四旗在鹵簿中。**宋**朱雀旗赤質赤火焰脚。繪朱雀。玄武旗黑質黑火焰脚。繪龜蛇。青龍旗青質赤火焰脚。繪蹲龍。白虎旗白質赤火焰脚。繪蹲虎。**元**同**宋**制。

今制與**宋**同。



八田平權
卷四十三



九田集禮

卷四十三




十一




大明集卷一百一十三



十一



風雲雷雨旗

按韓子曰。合鬼神於泰山。風伯進掃。雨師洒路。至。御殿儀仗。制風伯。雨師。雷公。電母。旗各一。以錯繡為之。因之。制風雨雷電。四旗。旗皆青質。俱畫神人。狀各詭異。

制旗四。曰風雲雷雨。去電不設。旗皆青質。黃欄赤火焰。間綵脚。風畫箕星。雨畫畢星。雲畫雲氣。雷畫雷文。

大明集卷一百一十三






大日本

旗


三

四瀆旗

按爾雅曰。江河淮濟為四瀆者。發源注海者也。白虎通曰。謂之瀆者。何。瀆者濁也。中國垢濁發源。東注于海。其功著大。故稱瀆也。制四旗。江瀆旗赤質。青火焰脚。繪神人冠七梁冠。青欄朱袍。跨赤龍。河瀆旗黑質。赤火焰脚。繪神人冠七梁冠。皂欄黃袍。跨青龍。淮瀆旗素質。赤火焰脚。繪神人冠七梁冠。青鯉。濟瀆旗青質。赤火焰脚。繪神人冠七梁

冠皂欄青袍乘一鼈。

制江旗赤質河旗白質淮旗青質濟旗黑質俱黃欄赤火焰間綵脚中繪水形。




五嶽旗

按鄭康成周禮註五嶽東曰岱宗南曰衡山西曰華山北曰恒山中曰嵩高山宋東嶽旗青質赤火焰脚繪神人冠七梁冠皂欄青袍黃裳白中單素蔽膝執圭南嶽旗赤質赤火焰脚繪神人冠七梁冠黑欄緋袍黃裳黃中單朱蔽膝執圭中嶽旗黃質赤火焰脚繪神人冠七梁冠皂欄黃袍黃裳白中單朱蔽膝執圭西嶽旗白質赤火焰脚繪神人冠七梁

冠青欄白袍黃裳白中單素蔽膝執圭北嶽旗黑質赤火焰脚繪神人冠七梁冠紅欄皂袍黃裳白中單素蔽膝執圭元因宋制惟神人裳色不同。

合制東嶽旗青質南嶽旗赤質中嶽旗黃質西嶽旗白質北嶽旗黑質俱黃欄赤火焰間綵脚中繪山形



五星旗

按考靈耀曰。歲星木精。熒惑火精。鎮星土精。太白金精。辰星水精。宇文周太常旗畫日月五星。制五旗俱青質黃欄赤火焰脚。各繪神人服隨方色。制五旗金星旗素質赤火焰脚。畫神人冠五梁冠素衣皂欄朱裳素圭。水星旗黑質赤火焰脚。畫神人冠五梁冠皂衣皂欄綠裳素圭。木星旗青質赤火焰脚。畫神人冠五梁冠青衣皂欄朱裳素圭。火星旗


大明集禮

卷四十一

三十五


赤質青火焰脚畫神人冠五梁冠朱衣皂欄
綠裳秉圭土星旗黃質赤火焰脚畫神人冠
五梁冠黃衣皂欄綠裳秉圭。

合制木星旗青質火星旗赤質土星旗黃質
金星旗白質水星旗黑質俱黃欄赤火焰間
綵脚中以金塗星形。




天祿旗

按顧野王符瑞圖曰。天鹿者純靈之獸也。五色。光耀洞明。一角長尾。宋制天鹿旗赤質黃欄。青火焰脚。中繪天鹿獸。白身綠尾。一角白。今制與宋同。



天馬旗

按前漢禮樂志。天馬駉龍之媒。武帝元狩四年。馬生渥洼水中。作天馬歌。宋制天馬旗。赤質黃欄。赤火焰脚。中繪馬形。兩肉翼。今制與宋同。



白澤旗

按顧野王符瑞圖曰。澤獸者。一名白澤。能言
 語。達萬物之精神。王者明照幽遠。則至。**黃帝**
 巡狩。至於東海。澤獸出言。以戒于民。為時除
 害。**唐**六典武庫令。有白澤旗。**宋**制旗二。赤質。
 繪白澤形。龍首。綠髮。戴角。四足。為飛走狀。**元**
 制。赤質。黃欄。赤火焰。脚。繪獸虎首。朱髮。而有
 角龍身。


今制同宋。

大月集豐 卷四十三 三


熊旗羆旗

按格物論云。熊大似豕而性輕健。山居。能攀緣上高樹。見人則顛倒投地而下。羆似熊。黃白紋。長頭高脚。猛憨多力。又按周禮冬官。軛人云。熊旗六游。以象伐也。注。熊虎為旗。師都之所建也。伐星屬白虎宿。與參連體六星。漢因制熊旗。唐有赤熊旗。宋有黃熊旗。皆未制羆旗。

今制熊羆旗各一。赤質黃欄。赤火焰間綵脚。




熊旗繪熊。羆旗繪羆。



大明集禮

卷四十三

三十一



鸞旗


按顧野王符瑞圖曰鸞鳥者赤神之精鳳凰
 之佐也其狀如翟而五采鳴中五音人君進
 退有度親踈有序則至漢有鸞旗師古注曰
 鸞旗編以羽毛列繫幢傍載於車上唐亦有
 鸞旗宋制鸞旗二赤質青火焰脚繪鸞形
 因宋制。


今制赤質黃欄赤火焰間綵脚餘同。

麟旗

按顧野王符瑞圖曰麒麟仁獸也亦曰木之精也。毛虫三百六十有六而麟為之長。其狀麕身羊頭牛尾一角。角端有肉。音中律呂。步中規矩。不踐生虫。不折生草。不食不義。不飲汚池。**唐**開元禮義羅曰高祖時麟見苑囿。改元麟德。制麟旗。**宋**麟旗二。赤質青火焰脚。中圖麟形。**元**與宋同。

今制赤質黃欄赤火焰間綵脚繪麟于上。






角宿旗

按史記天官書曰東宮蒼龍大角者天王帝
 廷晉書天文志曰角二星主造化萬物布君
 之威信謂之天闕其間天門也其內天廷也
 故黃道經其中七曜之所行也宋角宿旗青
 質赤火焰脚畫神人為女子形露髮朱袍黑
 欄立雲氣中持蓮荷元制青質青火焰脚繪
 二星下繪蛟。


今制青質黃欄赤火焰間綵脚中塗金為角

宿二。



亢宿旗


按史記天官書曰。亢為䟽廟。晉書天文志曰。亢四星。天子之內朝。宋亢星旗青質。赤火焰。脚畫神人。冠五梁冠。朱袍皂襪。皂帶。黃裳。持黑等子。元制青質。青火焰。脚繪四星。下繪龍。今制青質。黃欄。赤火焰。間綠脚。中塗金。為亢宿四。



氏宿旗

按史記天官書曰氏為天根。晉書天文志曰氏四星。王者之宿宮。后妃之府也。宋氏宿旗青質赤火焰脚。畫神人冠小冠。衣金甲。朱衣。包肚。朱擁項。白袴。右手仗劍。乘一鼈。元制青質青火焰脚。繪四星。下繪貉。


合制青質黃欄赤火焰。間綵脚。中塗金為氏宿四。



房宿星


按史記天官書曰房為天馬。晉書天文志曰房四星為明堂。天子布政之官也。宋房宿旗青質赤火焰脚。畫神人。烏巾。白中單。碧袍。黑襪。朱蔽膝。白帶。黃裙。朱鳥。右手仗劍。元制青質青火焰脚。繪四星。下繪兔。

今制青質黃襪。赤火焰間綵脚。中塗金為房宿六。



心宿旗


按史記天官書曰心為明堂大星。天王前後
 子屬不欲直。晉書天文志曰心三星天王正
 位也。宋心宿旗青質赤火焰脚畫神人冠五
 梁冠朱袍皂襪左手持杖。元制青質青火焰
 脚繪三星下繪狐。
 今制青質黃襪赤火焰間綵脚中塗金為心
 宿三。



尾宿旗

按史記天官書曰尾為九子曰君臣。晉書天文志曰尾九星後宮之場旁一星名曰神宮解衣之內室。宋尾宿旗青質赤火焰脚畫神人冠束髮冠素中單黃袍朱裳青帶纁裳赤鳥右手仗劍左手持弓。元制青質青火焰脚上繪九星下繪虎。

令制青質黃欄赤火焰間綵脚中塗金為尾宿九又神宮小星一在旁。




箕宿旗

按史記天官書曰箕為教客。晉天文志曰箕四星亦為後宮后妃之府亦曰天津。一曰天箕主八風。宋箕宿旗青質赤火焰脚畫神人冠金梁冠衣淺朱袍皂欄仗劔乘白馬於火中。元制青質青火焰脚繪四星下繪豹。今制青質黃欄赤火焰間綵脚中塗金為箕宿四。

大明集禮


卷四十三

四十一



斗宿旗


按史記天官書曰北宮玄武南斗為廟。晉書天文志南斗六星為丞相太宰之位。酌量政事之宜。褒進賢良。稟授爵祿。宋斗宿旗青質。赤火焰。脚畫神人。被髮黃腰裙。朱帶。右手持杖。元制黑質。黑火焰。脚上繪六星。下繪獬。今制青質。黃欄。赤火焰。間綵脚。中塗金為斗宿六。



牛宿旗

按史記天官書曰牽牛為犧牲。晉天文志曰牽牛六星天之關梁。星明大則王道昌。宋牛宿旗青質赤火焰脚。畫神人牛首。皂欄紅袍。黃裳。朱鳥。立雲氣中。元制黑質黑火焰脚。上繪六星。下繪牛。

合制青質黃欄。赤火焰間綵脚。中塗金為牛宿六。




女宿旗

按晉書天文志。須女四星。天少府也。謂之須女者。須賤妾之稱。婦織之卑者也。主布帛。裁製嫁娶。星明天下。豐女功昌。

宋女宿旗青質。赤火焰。脚畫神人。烏牛首。衣朱服。皂襪。素帶。烏鞞。右手持蓮。立雲氣中。

元制。黑質。黑火焰。脚上繪四星。下繪魁。


今制。青質。黃欄。赤火焰。間綵脚。中塗金。為女宿四。



虛宿旗

按晉天文志曰。虛二星。冢宰之官也。主邑居。廟堂祭祀祝禱之事。明靜則天下安。宋虛宿旗。青質赤火焰脚。畫神人被髮裸形。坐於甕中。左手持一珠。元制。黑質黑火焰脚。上繪二星。下繪鼠。

今制。青質黃欄。赤火焰間綵脚。中塗金為虛宿二。




危宿旗

按史記天官書曰危為蓋屋。晉天文志曰危三星。主天府天市架屋。甘氏云為天市廟堂。


宋危宿旗青質赤火焰脚畫神人虎首金甲衣朱服。魏皮汗膊青帶藍包肚烏鞞。右手仗劍立雲氣中。元制黑質黑火焰脚上繪三星下繪燕。

今制青質黃欄赤火焰間綵脚。中塗金為危宿三。又墳墓四小星在旁。




室宿旗

詩定之方中。注曰定營室星也。史記天官書曰。營室為清廟。亦曰離宮。**晉**天文志。營室二星。天子之宮也。為軍糧之府。及土功事。**宋**室宿旗。青質。赤火焰。脚畫神人。丫髮。朱服。乘舟水中。**元**制。黑質。黑火焰。脚上繪二星。下繪猪。**今**制。青質。黃欄。赤火焰。間綵脚。中塗金。為室宿二。又離宮六星在旁。



壁宿旗


按**晉**天文志曰。東壁二星。主文章。天下圖書
 祕府也。星明。王者興道術行國多君子。**宋**壁
 宿旗。青質。赤火焰。脚繪神人。為女子形。丫髮。
 朱服。皂襪。綠帶。黃裳。烏鳥。左手拍前。右手仗
 劍。立雲中。**元**制。黑質。黑火焰。脚上繪二星。下
 繪猢猻。
今制。青質。黃襪。赤火焰。間綵脚。中塗金。為壁
 宿二。



奎宿旗

按史記天官書。奎曰封豕。為溝瀆。天文志曰。奎十六星。天之武庫。一曰封豕。主禁暴。宋奎宿旗。青質。赤火焰脚。繪神人。狼首。朱服。金甲。綠包肚。白汗膊。黑帶。烏鞞。右手仗劍。制素質。素火焰脚。上繪十六星。下繪狼。

今制青質。黃欄。赤火焰間。綵脚。中塗金。為奎宿十六。



婁宿旗

按史記天官書曰婁為司小眾晉天文志曰婁

三星為天獄主苑牧犧止供給郊祀亦為興

兵聚眾宋婁宿旗青質亦火焰脚繪神人戴


金梁冠素中單淺黑袍七欄朱救膝青帶黃

裳朱鳥左手持烏牛角右手仗劍元制素質

素火焰脚上繪三星下繪狗

金制青質黃欄赤火焰間綵脚中塗金為婁

宿三



胃宿旗


按史記天官書曰。胃為天倉。**晉**天文志曰。胃三星。天之厨藏。五穀之倉也。又名大梁。明則四時和平。天下晏然。倉廩實。**宋**胃宿旗青質。赤火焰。脚繪神人。丫髮披豹皮。淺紅裙。青帶。跣足。左手拍前。右手仗劍。立雲氣中。**元**制素質。素火焰。脚上繪三星。下繪雉。**今**制青質。黃欄。赤火焰。間綠。脚中塗金為胃宿三。

皇清田山


昴宿旗

按史記天官書曰昴名旄頭。天文志曰昴七星。天之耳目也。主西方獄事。又為旄頭。胡星也。甘氏云昴星明大。則君無佞臣。天下安和。張衡云昴星明。獄訟平。昴宿旗青質。赤火焰。繪神人牛首。朱服。皂襪。黃裳。青帶。朱舄。左手拳。右手持青如意。制素質。素火焰。脚上繪七星。下繪雞。

制青質。黃襪。赤火焰。間綵脚。中塗金為昴。



宿七。




畢宿旗

按爾雅曰濁謂之畢。郭璞注曰掩兔之畢。或呼為濁。因星形以名也。晉天文志曰畢八星。主邊兵。主弋獵。星明大則遠夷來貢。天下安。甘氏云畢主街巷陰雨。天之雨師也。宋畢宿旗。青質赤火焰脚。繪神人作鬼形。著朱棍。持黑杖。乘馬。行雲氣中。元制素質素火焰脚。上繪八星。下繪烏。

今制青質黃欄赤火焰間綵脚。中塗金為畢

宿八附耳一星在旁。



觜宿星

按史記天官書曰三小星隅置曰觜觿為虎

首主葆旅事

晉灼曰葆菜也野生曰旅張衡云葆旅野生之可食者

隋

志云觜觿為三軍之候行軍之藏府主葆旅

收斂萬物明則軍儲盈將得勢

宋

觜宿旗青

質赤火焰脚繪神人冠緇布冠朱服皂欄黃

裳拱手坐雲氣中


元

制素質素火焰脚上繪

三星下繪猴

今制青質黃欄赤火焰間綵脚中塗金為觜


宿三。



參宿旗

按前漢天文志曰參為白虎甘氏曰參為忠良孝謹之子。明大則臣忠子孝。一曰參伐。一曰大辰。一曰天市。一曰鈇鉞。主斬刈。又為天獄。主殺伐。又主權衡。所以平理也。宋參宿旗青質。赤火焰。脚繪神人。被髮衣紫襪。黃袍。綠裳。青帶。朱鳥。左手拍空。右手持珠椎。立雲氣中。元制素質。素火焰。脚上繪十星。下繪猿。今制青質。黃襪。赤火焰。間綵脚。中塗金為參。

宿十。又玉井四小星在左足下。




井宿旗

按漢天文志曰南宮朱鳥東井為水事。天
 文志曰東井八星天之南門黃道所經天之
 亭候主水衡事法令之所取平也王者用法
 平則井星明而端列鉞一星附井之前宋井
 宿旗青質赤火焰脚繪神人。髮朱袍皂襪
 坐雲氣中右手持紅蓮。元制赤質赤火焰脚
 上繪八星下繪犴

今制青質黃襪赤火焰間綵脚中塗金為井


宿八。又鉞一星在旁。



鬼宿旗


按史記天官書曰。輿鬼主祀事。晉天文志曰。鬼五星。天目也。主視明察奸謀。星明大則穀成。宋鬼宿旗。青質。赤火焰。脚繪神人作女子形。首飾金釵。朱袍皂襪。青帶。黃裳。烏鳥。左手持杖。立雲氣中。元制。赤質。赤火焰。脚上繪五星。星下繪羊。

令制。青質。黃襪。赤火焰。間綵。脚中塗金。為鬼宿五。



柳宿旗

按張衡云柳為朱雀之喙天之厨宰也。主尚
 食和滋味。**隋**志云又主雷雨樂計圖澄曰柳
 主材木。**宋**柳宿旗青管赤火焰脚繪神人作
 女子形露髻朱衣黑襪黃裳皂鳥撫一青龍。
元制赤質赤火焰脚上繪八星下繪麀。
明制青質黃襪赤火焰脚中塗金為柳
 宿八。




星宿旗

按甘氏曰星七星主后妃御女之位亦為賢士明大則道化成國盛又張衡云七星為朱鳥之頸一名天都主衣裳文繡隋志云星明則王道昌星宿旗青質赤火焰脚繪神人冠五梁冠淺朱袍綠襪青帶黃裳朱鳥立雲氣中兩手各持金銅絲二條制赤質赤火焰脚上繪七星下繪馬


制青質黃襪赤火焰間綵脚中塗金為星

宿七。



張宿旗


按甘氏云。張宿主天廟明堂御史之位。若明
 大則國盛強。隋志云。主珍寶宗廟所用及衣
 服。又主天厨飲食賞賚之事。星明則王者行
 五禮得天之中。宋張宿旗青質赤火焰脚繪
 神人。衣豹皮。朱帶。素鞞。右手仗劍。坐雲氣中。
 元制赤質赤火焰脚上繪六星。下繪鹿
 今制青質黃欄赤火焰脚中塗金為張
 宿六。



翼宿旗

按史記天官書曰翼為羽翻主遠客。**隋志**云翼為天之樂府主俳倡戲樂又主夷狄遠客負海之賓明大則禮樂興四夷來賓動則蠻夷使來。**宋**翼宿旗青質赤火焰脚繪神人作女子形首飾金釵假髻白中單皂袍碧欄赤蔽膝紫裳赤鳥左手指前右手仗劍立於火中。**元**制赤質赤火焰脚上繪二十二星下繪蛇**今**制青質黃欄赤火焰脚中塗金為翼

宿二十二




軫宿旗

按史記天官書曰軫為車主風張衡云軫為
 冢宰輔臣主車騎明大則車騎用續志云主
 任載明則車駕備轄星附軫兩旁主王侯左
 轄為王者同姓右轄為異姓長沙一星在軫
 之中宋軫宿旗青質赤火焰脚繪神人作女
 子形金釵假髻朱袍皂襪青帶黃裳赤舄左
 手持書立雲氣中

今制青質黃襪赤火焰間綵脚中塗金為軫

大明集禮卷四十三
宿四長沙一星在中左右轄二星在旁



大明集禮卷四十三

大明集禮

卷四十三

六十三

